


公羊 一之五



					漢書門
			四九三三		
八	一	三	三		
九	九	三			
冊	架	函	號	類	

內閣文庫			
三七六函	四九三三		漢書
二一	八〇三		
架	冊	號	類
九十五第			

內閣文庫	
番號	漢 4933
冊數	80 (59)
函號	276 32

總經 一



永懷堂

漢何邵公註

公羊傳

春秋公羊傳序

漢何休邵公撰

淺草文庫

昔者孔子有云吾志在春秋行在孝經此二學者聖人之極致治世之要務也傳春秋者非一本據亂而作其中多非常異義可怪之論說者疑惑至有倍經任意反傳違戾者其勢雖問不得不廣是以講誦師言至於百萬猶有不解時加釀嘲辭援引他經失其句讀以無為有甚可閔笑者不可勝記也是以治古學貴文章者謂之俗儒至使賈逵緣隙奮筆以為公羊可奪左氏可與恨先師觀聽不決多隨二創此世之餘事斯豈非守文持論敗績失據之

公羊傳

序

永懷堂

過哉余竊悲之久矣往者略依胡母生條例多得其正故遂隱括
使就繩墨焉

春秋公羊傳目錄

卷一

隱公

盡元年

卷二

隱公

盡四年

卷三

隱公

盡十一年

卷四

桓公

盡六年

公羊傳

目錄

永懷堂

卷五

桓公

盡十八年

卷六

莊公

盡七年

卷七

莊公

盡十七年

卷八

莊公

盡二十七年

卷九

卷十

莊公

盡三十二年

閔公

盡二年

卷十

僖公

盡七年

卷十一

僖公

盡二十一年

卷十二

僖公

盡三十三年

卷十三

目錄

二

天

公羊傳 目錄 卷十四 文公 盡九年 卷十五 宣公 盡九年 卷十六 宣公 盡十八年 卷十七 成公 盡十年 卷十八 成公 盡十八年 卷十九 襄公 盡十一年 卷二十 襄公 盡二十四年 卷二十一 襄公 盡三十二年 卷二十二 襄公 盡三十一年

文公 盡九年

卷十四

文公 盡十八年

卷十五

宣公 盡九年

卷十六

宣公 盡十八年

卷十七

成公 盡十年

卷十八

成公 盡十八年

卷十九

襄公 盡十一年

卷二十

襄公 盡二十四年

卷二十一

襄公 盡三十一年

卷二十二

公羊傳 目錄 三 永懷堂

公三傳 卷三

昭公 盡十二年

卷二十三

昭公 盡二十二年

卷二十四

昭公 盡三十二年

卷二十五

定公 盡五年

卷二十六

定公 盡十五年

卷二十七

哀公 盡十年

卷二十八

哀公 盡十四年

公羊傳 目錄 四 永懷堂

春秋公羊傳目錄終

春秋公羊傳卷一

漢諫議大夫司空椽任城何休學

明後學東吳金蟠訂

隱公

元年春王正月

傳元年者何諸据疑問所不君之始年也以常錄即位知君之始年君曾侯隱公也

年者十二月之摠號春秋書十二月稱年是也變一為元元者氣也無形以起有形以分造起天地天地之始也故上無所繫而使春繫之也不言公言君之始年者王者諸侯皆稱君所以通其義於王者惟王者然後改元立號春秋託新王受命於魯故因以錄即位明王者**春者何**獨在王上故**歲之始也**以上繫當繼天奉元養成萬物

王正月之上知歲之始也春者天地開辟之端養生之首法象
 所出四時本各也昏斗指東方曰春指南方曰夏指西方曰秋
 指北方曰冬歲者總號其成功之稱尚書王者孰謂孰誰也欲
 以閏月定四時成歲是也○辟婢亦反
 無事欲言先王又謂文王也以上繫王於春知謂文王也文王
 無謚故問誰謂謂文王也周始受命之王天之所命故上繫
 天端方陳受命制正月故假以為王法不言謚者法其生不法其死與後王共之人道之始也
 後言正月據下秋七月天王王正月也以上繫於王知王者受
 王者受命必徙居處改正朔易服色殊徽號變犧牲異器械明
 受之於天不受之於人夏以斗建寅之月為正平旦為朔法物
 見色尚黑殷以斗建丑之月為正雞鳴為朔法物牙色尚赤何言乎
 尚白周以斗建子之月為正夜半為朔法物萌色尚赤何言乎
 王正月據定公有大一統也統者始也摠繫之辭夫王者始受
 至於庶人自山川至於草木昆蟲莫不一繫於正月故云政教之始
 公何以不言即位據文公言即位

也即位者一國之始政莫大於正始故春秋以元之氣正天之
 端以天之端正王之政以王之政正諸侯之即位以諸侯之即
 位正竟內之治諸侯不上奉王之政則不得即位故先言正月
 而後言即位政不由王出則不得為政故先言王而後言正月
 也王者不承天以制號令則無法故先言春而後言王天不深
 正其元則不能成其化故先言元而後言春五者同日並見相
 須成體乃天人之大本萬成公意也以其有正月而去即位知
 物之所繫不可不察也
 下去何成乎公之意據刺欲救紀公將平國而反之桓桓
 立隱不平故曰平反還之曷為反之桓桓幼而貴隱長而卑也禮年二
 十見正而冠士冠禮曰適子冠於阼以著代也醮於客位加有
 成也三加彌尊論其志也冠而字之敬其名也公侯之有冠禮
 夏之未造也天子之元子猶士也天下無生而貴者○隱長丁
 丈反注及下皆同已冠工亂反下同適子丁歷反下同醮子笑
 反其為尊卑也微母俱勝也○勝以國人莫知國人謂國中凡
 公羊傳 卷一 隱公 一 衣襄堂

公不早分別也。男子年六十閉房。隱長又賢。此以上皆道立隱所緣。諸大

夫扳隱而立之。扳引也。諸大夫立隱不起者。在春秋前。明王者受命。不追治前事。孔子曰。不教而殺。謂之虐。不

戒視成。暴隱於是焉。而辭立。辭讓也。言則未知桓之將必得立也。謂之暴。隱欲讓。

是時公且如桓立。且如假設之辭。則恐諸大夫之不能相幼君也。諸大

夫背正而立已不。故凡隱之立為桓立也。凡者。凡上所慮二事。正恐其不能相之。故曰為桓立。明其本無受國之

欲須桓長大而歸之。故曰為桓立。明其本無受國之。隱長又賢。

何以不宜立。據賢。穆公與大夫。獲且長。以得立。適以長。不以

賢立子以貴。不以長。適謂適夫人之子。尊無與敵。故以齒子。謂

時而生。故以貴也。禮適夫人無子。立右媵。右媵無子。立左媵。左

媵無子。立嫡姪。嫡姪無子。立右媵。右媵無子。立左媵。左

左媵。姪。嫡質家親親先立。嫡文家尊尊先立。姪。嫡子有孫而死。質家親親先立。弟。文家尊尊先立。孫。其雙生也。質家據見立。先生。文家據本意立。後。桓何以貴。據俱公也。母貴也。據桓母也。母貴則子何以貴。據俱言也。子以母貴。以母秩也。母以子貴。禮妾子立。則母得為夫人。夫人

三月公及邾婁儀父盟于昧。

○儀父音甫。本亦作甫。人名。字放。此昧亡。結反。穀梁同。左氏作茂。

傳及者何與也。若曰。公與邾婁盟也。會及暨皆與也。都解經上。會及暨也。曷為或言

會。或言及。或言暨。會猶最也。最聚也。直自若平時聚會。無他深淺意也。最之為言。聚若今聚民為

最及。猶汲汲也。暨猶暨暨也。及我欲之。暨不得已也。我者。謂魯也。內魯故

言我舉及暨者明當隨意善惡而原之欲之者善重惡深不得已者善輕惡淺所以原心定罪儀父者何邾婁

之君也以言公及不諱知為君也何以名據齊侯以字也曷為稱字以當曷知為字

據諸侯謂魯也曷為稱之也以宿與微者盟書卒知與公盟當曷之有上嘉當稱爵

父本在春秋前謂魯也曷為曷之據功不見為其與公盟也為其始與公盟盟者殺生歃血

詛命相誓以盟約束也傳不足言託始者儀父比宿滕與公盟

者眾矣曷為獨曷乎此據戎齊侯莒人皆與公盟因其可曷而

曷之春秋王魯記隱公以為始受命王因儀父先與隱公盟可假以見曷賞之法故云爾○王魯于況反下而王同一音

如字後王魯皆放此此其為可曷奈何漸進也漸者物事之端先見之辭去惡就善曰進譬若隱公

受命而王諸侯有倡始先歸之者當進而封之以率其後不言先者亦為所曷者法明當積漸深知聖德灼然之後乃往不可

造次陷於不義○造七報反昧者何地期也會盟戰皆錄地其所期處重期也凡書盟者惡之也為其約誓

大甚明黨深背之生患禍重晉命於蒲善近正是也君大夫盟

為小信辭也夫信者時柯之盟是也魯稱公者臣子心所欲尊

號其君父公者五等之爵最尊王者探臣子心欲尊其君父使

得稱公故春秋以臣子書葬者皆稱公于者於也斥以事定地

夏五月鄭伯克段于鄆勅賀反

傳克之者何加之者問訓詁殺之也殺之則曷為謂之克大鄭

伯之惡也以弗克納大卻缺之善曷為大鄭伯之惡據晉侯殺

母欲立之已殺之如勿與而已矣如即不如齊人語也加克者有嫌也

段無弟又稱君甚之不明又段當國嫌鄭伯殺之無惡故變殺言克明鄭伯為人君當如傳辭不當自己行誅殺使執政大夫當誅之克者詰為殺亦為能惡其能忍戾母而親殺之禮公族有罪有司讞于公公曰宥之及三宥不對走出公又使人赦之以不及反命公素服不舉而為段者何鄭伯之弟也殺母弟故之變如其倫之喪無服親哭之

何以不稱弟據天王殺其弟年夫稱弟當國也欲當國為之君故如其意使

逆其地何無知不地當國也齊人殺無知何以不地當國也在

內也在內雖當國不地也其不當國而見殺者當以殺大夫書無取於地也其當國者殺於國內禍

已絕故亦不地不當國雖在外亦不地也明當國者在外乃地爾為其將交連鄰國復為內難故錄

其地明當急誅之不當國雖在外禍輕故不地也月首責臣子不以時討與殺州吁同例不從討賊辭者主惡以失親親故書

之○難乃且反

秋七月天王使宰咺來歸惠公仲子之賵

○咺况阮反一音况元反賵芳仲反

傳宰者何官也以周公加宰知為官也咺者何名也別何之者以有宰曷

為以官氏據石宰士也天子上士以各氏通中士以官錄下士略稱人惠公者何隱之

考也生稱父死稱考入廟稱禰○禰乃禮反仲子者何桓之母也以無謚也仲字

配字不忘本也因示不適同姓生稱母死稱妣何以不稱夫人此難生時之稱也據秦

成風稱謚今仲子無謚知生時不稱夫人桓未君也賵者何喪事有賵賵者益以馬

以乘馬束帛此道周制也以馬者謂士不備四也禮既夕曰公

也禮大夫以上至天子皆乘四馬所以通四方也天子馬曰龍高七尺以上諸侯曰馬高六尺以上卿大夫士曰駒高五尺以

上束帛謂玄三纏二、玄三法天纏車馬曰贖貨財曰賻衣被曰

綖此者春秋制也賻猶覆也賻猶助也皆助生送死之禮綖猶

音遂猶遺桓未君則諸侯曷為來賻之據非隱為桓立故以桓

母之喪告于諸侯經言王者賻赴告王者然則何言爾成公意

也尊貴桓母以赴告天子諸侯彰桓當立得事其言來何據歸

賻不不及事也故云爾去來所以為及事者若已在於內者其

言惠公仲子何據歸舍且賻兼之兼之非禮也禮不賻妾既善

一使所以異尊卑也言之賻何以不言及仲子據及者別公夫

者起兩賻也○一使所更反仲子微也恩錄之也諸侯不月比於王者輕會葬

皆同例言天王者時吳楚上僭稱王王者不能正而上自繫於天也春秋不正者因以廣是非稱使者王尊敬諸侯之意也王者據土與諸侯分職俱南面而治有不純臣之義故異姓謂之伯舅叔舅同姓謂之伯父叔父言歸者與使有之辭也天地所生非一家之有有無當相通所傳聞之世外小惡不書書者來接內也春秋王魯以魯為天下化首明親來被王化漸漬禮義者在可備責之域故從內小惡舉也主書者不及事也

九月及宋人盟于宿

傳孰及之內之微者也內者謂魯也微者謂士也不名者略微

春秋上刺王公下譏卿大夫而逮士庶人宋稱人亦微者也魯

不稱人者自內之辭也宿不出主名者主國主名與可知故省

文明宿當自首其榮辱也微者盟例時不能專正故責略之此月者隱公賢君雖使微者有可采取故錄也○說音悅

冬十有二月祭伯來

○祭側界反
五年注放此

傳祭伯者何。天子之大夫也。

以無所繫言來也。

何以不稱使。

據凡伯奔

也。奔者走也。以不稱使而無事知其奔。

奔則曷為不言奔。

據齊慶封來言奔。

王者無外言。

奔則有外之辭也。

言奔則與外大夫來奔同文。故去奔明王者書者重乖離之禍也。當春秋時廢選舉之務。置不肖於位。輒退絕之。以生過失。至於君臣忿爭。出奔國家之所以昏亂。社稷之

所以危亡。故皆錄之。錄所奔者為受義者。明當受賢者。不當受惡人也。祭者采邑也。伯者字也。天子上大夫字。尊尊之義也。月者為下卒也。當案下例。當蒙上月。日不也。奔例時一月。二。事月當在上。十言有二者。起下復有二者。非十中之二。

公子益師卒。

者為下卒也。當案下例。當蒙上月。日不也。奔例時一月。二。事月當在上。十言有二者。起下復有二者。非十中之二。

公子益師卒。

傳何以不日。

據臧孫辰書曰。遠也。不見。

孔子所

所見異辭。所聞異辭。所傳聞

異辭。

所見者謂昭定哀已與父時事也。所聞者謂文宣成襄王父時事也。所傳聞者謂隱桓莊閔僖高祖曾祖時事也。異辭者見恩有厚薄。義有深淺。時恩衰義缺。將以理人。倫序人類。因制治亂之法。故於所見之世。恩已與父之臣尤深。大夫卒有罪無罪。皆日錄之。丙申季孫隱如卒是也。於所聞之世。王父之臣。恩少殺大夫卒。無罪者日錄。有罪者不日。略之。叔孫得臣卒是也。於所傳聞之世。高祖曾祖之臣。恩淺。大夫卒有罪無罪。皆不日。略之也。公子益師無駭卒是也。於所傳聞之世。見治起於

衰亂之中。用心尚麤。痛故內其國。而外諸夏。先詳內而後治。外錄大略。小內小惡。書外小惡不書。大國有大夫小國略稱人。內離會書外離會不書。是也。於所聞之世。見治升平。內諸夏而外夷狄。書外離會小國有大夫。宣十一年秋。晉侯會狄於攢函。襄

二十三年。邾婁鼻我來奔。是也。至所見之世。著治大平。夷狄進至於爵。天下遠近小大若一。用心尤深。而詳。故崇仁義。讓二名。晉魏曼多。仲孫何忌。是也。所以三世者。禮為父母三年。為祖父

母期。為曾祖父母齊衰三月。立愛自親。始故春秋。據哀錄。隱上治祖禰。所以二百四十二年者。取法十二公。天數備足。著治法

式。又因周道始壞。絕於惠隱之際。王所以。大夫者。明君當隱

公年專

卷一 隱公

七

齊懷堂

齊懷堂

齊懷堂

齊懷堂

齊懷堂

痛之也君敬臣則臣自重君愛臣則臣自盡公子者氏也益師者名也諸侯之子稱公子公子之子稱公孫○殺所介反麤狗才古反又七奴反大平音泰期音基齊衰音咨本亦作齋下七雷反

春秋公羊傳卷一

終

春秋公羊傳卷二

漢諫議大夫司空掾任城何休學

明後學東吳葛藟訂

隱公

二年春公會戎于潛

凡書會者惡其虛內務恃外好也古者諸侯非朝時不得踰竟所傳聞之世外離會不書書內離會者春秋王魯明當先自詳正躬自厚而薄責於人故略外也王者不治夷狄錄戎者求者勿拒去者追東方曰夷南方曰蠻西方曰狄北方曰狄朝聘會盟例皆時○惡烏路反好呼報反非朝直遙反凡此字不音者皆同踰竟音境今本多即作境字更不音

夏五月莒人入向

傳入者何得而不居也

入者以兵入也。已得其國而不居，故云。爾，凡書兵者，正不得也。外內深淺，皆舉

之者，因重兵害眾，兵動則怨結，禍更相報，償伏尸流血，無已時。諸侯擅興兵，不為大惡者，保伍連帥，本有用兵征伐之道。魯入把不諱，是也。入，何時傷害多。則月，向舒亮反，償時亮反。

無駭帥師入極

傳無駭者何，展無駭也，何以不氏

據公子遂帥師也。貶猶曷為

貶，據公子遂俱用疾始滅也

以下終其身不氏，知貶始滅，昉於

此乎，昉適也，齊人語，前此矣

前此者，在春秋前謂宋滅部是也。○部，古報反。前此則曷

為始乎此，託始焉爾

焉，爾猶於是也。曷為託始焉爾，言戰伐不

始也，春秋託王者始起所當誅也，言疾始滅者，諸

此滅也，其言

入何，據齊師滅內大惡諱也

明魯臣子當為君父諱滅，例月不復出月者，與上同月常案下例當

蒙上月日下

秋八月庚辰，公及戎盟于唐

後不相犯，日者為後背隱而善，桓能自復為唐之盟。○背音佩。

九月紀履緌來逆女

○履緌音須，左氏為裂繡。

傳紀履緌者何，紀大夫也

以逆女不稱，使知為大夫，何以不稱使，據宋公使

稱使，婚禮不稱主人

為養廉遠耻也。然則曷稱稱諸父兄師友，宋公使

公孫壽來納幣，則其稱主人何，辭窮也，辭窮者何，無母也

禮有母

當命諸父兄師友稱諸父兄師友以行宋公無母莫使命之辭窮故自命之自命之則不得不稱使然則紀有母

乎曰有以不稱使有則何以不稱母據非主人何不母不通也禮婦人無外事但得命諸父兄師友稱諸父兄師友以行耳外

母命不得達故不得稱母通使文所以遠別也○別彼列反外

逆女不書此何以書據伯姬歸于譏譏猶何譏爾譏始不親迎

也禮所以必親迎者所以示男先女也於廟者告本也夏后氏

始不親迎昉於此乎前此矣以惠公妃匹不前此則曷為始乎

此託始焉爾焉爾猶曷為託始焉爾據納幣春秋之始也春秋

婦之始也夫婦正則父子親父子親則君臣和君臣和則天下

治故夫婦者人道之始王教之端內逆女常書外逆女但疾始

不常書者明當先自正躬自女曷為或稱女或稱婦或稱夫人

女在其國稱女未離父母之辭紀在塗稱婦在塗見夫服從之

之婦入國則尊尊有臣子之辭夫人姜氏入是也

是也入國稱夫人紀無大夫書紀履綸者重婚禮也月者不親

迎例月重錄之親迎例時

冬十月伯姬歸于紀傳伯姬者何內女也以無所繫也不稱公子者其言歸何據去

也婦人謂嫁曰歸婦人生以父母為家嫁以夫為家故謂嫁曰

歸婦人謂嫁曰歸婦人生以父母為家嫁以夫為家故謂嫁曰

歸婦人謂嫁曰歸婦人生以父母為家嫁以夫為家故謂嫁曰

歸婦人謂嫁曰歸婦人生以父母為家嫁以夫為家故謂嫁曰

歸婦人謂嫁曰歸婦人生以父母為家嫁以夫為家故謂嫁曰

歸婦人謂嫁曰歸婦人生以父母為家嫁以夫為家故謂嫁曰

歸婦人謂嫁曰歸婦人生以父母為家嫁以夫為家故謂嫁曰

傳紀子伯者何無聞焉爾

言無聞者春秋有改周受命之制孔子畏時遠害又知秦將燔詩書其說

口授相傳至漢公羊氏及弟子胡母生乃始記於竹帛故有所失也○母音無

十有二月乙卯夫人子氏薨

傳夫人子氏者何隱公之母也

以不書葬何以不書葬○据妣氏書葬

成公意也何成乎公之意

据已去即位○去起呂反

子將不終為君故母亦

不終為夫人也

時隱公卑屈其母不以夫人禮葬之以妾禮葬而不書葬所以起其意而成其賢子者姓也夫人以姓配號義

與仲子同書薨者為隱公恩錄痛之也日者恩錄之公夫人皆

同例也

鄭人伐衛

書者與入向同侵伐圍入例皆時

三年春王二月

二月三月皆有王者二月殷之正月也三月夏之正月也王者存二王之後使統其正朔服其服色行其禮樂所以尊先聖通三統師法之義恭讓之禮於是可得而觀之

己巳日有食之

傳何以書

諸言何以書記異也異者非常可怪先事而至者是

魯隱係獲公子翬進諂謀○翬許韋反

日食則曷為或日或不日或言朔或不言

朔曰某月某日朔日有食之者食正朔也

桓三年秋十月壬辰朔日有食之是也此

象君行外疆內虛是故日月之行無遲疾食不失正朔也其或日或不日或失之前或失之

後失之前者朔在前也。謂二日食已巳日有食之是也。此象君行暴急外見畏故日行疾月行遲過朔

乃食失正。失之後者朔在後也。謂晦日食莊公十八年三月日有食之是也。此象君行懦弱見

陵故日行遲月行疾未至朔而食失正朔於後也不言月食者其形不可得而觀也。故疑言日有食之孔子曰多聞闕疑慎言其餘則寡尤不傳天下

異者從王錄內可知也。

三月庚戌天王崩

平王也。

傳何以不書葬。據書葬桓王天子記崩不記葬必其時也。至尊無諸所屈也。

侯記卒記葬有天子存。存不得必其時也。設有王后崩當越紼而奔喪不得必其時。

故恩錄之。曷為或言崩或言薨。天子曰崩。大毀壞之辭。諸侯曰薨。小毀。

喪之大夫曰卒。卒猶終也。士曰不祿。不祿無祿也。皆所以別尊卑也。葬不別者從恩殺略也。書崩者為天下恩痛王者也。記諸侯卒葬者王者亦當加之以恩禮故為恩錄。○殺所界反。

夏四月辛卯尹氏卒。○尹氏左氏作君氏。

傳尹氏者何天子之大夫也

以尹氏立王子朝也。其稱尹氏何。據宰渠氏官劉卷卒。


名○卷音權。貶曷為貶。據俱世卿。世卿者父死子繼也。貶去名者起呂反。

世卿非禮也。禮公卿大夫士皆選賢而用之。卿大夫任重職大不當世為其秉政久恩德廣大小

人居之必奪君之威權故尹氏世立王子朝齊崔氏世弑其君

光君子疾其未則正其本見譏於卒者亦不可造次無故驅逐

必因其過卒絕之明君案見勞授賞則眾譽不能進無功案見惡行誅則眾讒不能退無罪○造七報反。外大夫不



卒此何以卒

据原仲

天王崩諸侯之主也

時天王崩魯隱往奔喪尹氏主饋贊諸侯

與隱交接而卒恩隆於王者則加禮錄之故為隱恩錄痛之日者恩錄之明當有恩禮

秋武氏子來求賻

傳武氏子者何天子之大夫也其稱武氏子何

据宰渠氏官仍叔不稱氏尹氏

不稱譏何譏爾父卒子未命也

時雖世大夫緣孝子之心不忍便當父位故順古先試一年乃

命於宗廟武氏子父新歿未命而便為大夫薄父子之恩故稱氏言子見未命以譏之

何以不稱使

据南

當喪未君也

當喪謂天子也未君者未三年也未可居君位稱使也故絕正其義與毛伯同

武氏子

來求賻何以書

不但言何以書者嫌以主覆譏何譏爾喪事無問上所以說二事不問求賻

求求賻非禮也

王為求賻書也禮本為有財者制有則送之無則致哀而已不當求求則皇皇傷孝子之心

蓋通于下

云爾者嫌天子財多不當求下財少可求故明皆不當求之

八月庚辰宋公和卒

不言薨者春秋王魯死當有王文聖人之為文辭孫順不可言崩故貶外言卒所以褒內也宋稱公者殷後也王者封二王後

地方百里爵稱公客待之而不臣也詩云有客宿宿有客信信是也○孫音遜

冬十有二月齊侯鄭伯盟于石門

癸未葬宋繆公

○繆公音穆左氏作穆凡此後倣此

傳葬者曷為或日或不及時而日渴葬也

不及時不及五月也禮天子七月而葬同軌畢至諸侯五月而葬同盟至大夫三月而葬同位

至士踰月外姻至孔子曰葬於北方北首三代之達禮也之幽

之故也。渴喻急也。乙未葬齊孝公是也。不及時而不日。慢葬也。慢薄不能以禮葬也。八月葬蔡宣公

是也。過時而日。隱之也。隱痛也。痛賢君不得以時葬。丁亥葬齊桓公是也。過時而不日。謂

之不能葬也。解緩不能以時葬。夏四月葬衛桓公是也。當時而不日。正

也。六月葬陳惠公是也。當時而日。危不得葬也。此當時何危爾。宣公謂繆

公曰。以吾愛與夷。則不若愛女。以為社稷宗廟主。則與夷不若

女。蓋終為君矣。與夷者宣公之子。繆公者宣公之弟。○與夷如假字。則時復重出。愛女音汝。下及注同。宣公死。繆公立。繆公逐其二子莊公馮與

左師勃。左師官勃名也。○馮皮冰反。曰。爾為吾子。生母相見。死母相哭。所以遠絕

之○母音無。與夷復曰。復先君之所為。不與臣國。而納國乎君者。以

君可以為社稷宗廟主也。今君逐君之二子。而將致國乎與夷。此非先君之意也。且使子而可逐。則先君其逐臣矣。繆公曰。先

君之不爾逐。可知矣。爾女也。可知者。欲使我反國。吾立乎此。攝也。暫攝行君事。不得傳

與子也。謙辭。終致國乎與夷。莊公馮弒與夷。馮與督其弒。殤公在桓二年。危之於此者。死乃

反國。非至賢之君。不能不爭也。故君子大居正。明修法守正。最計之要者。宋之禍。宣公為之

也。言死而讓。開爭原也。繆公亦死而讓。得為功者。反正也。外小也。惡不書。錄渴隱者。明諸侯卒。王者當加恩意。憂勞其國。所以

哀死。閔患也。

四年春。王二月。管人伐杞。取牟婁。

傳牟婁者何。杞之邑也。以上有伐杞。外取邑不書。此何以書。据楚子伐宋取

公三傳

卷二 隱公

七

水襄堂

國立公文書館 National Archives of Japan

彭城疾始取邑也。外小惡不書以外見疾始者取邑以自廣犬不書比於貪利差為重故先治之也內取邑常書外但疾始不常書者義與上逆女同不傳託始者前此有滅不嫌無取邑當託始明故省文也取邑例時○差初賣反

戊申衛州吁弒其君完

傳曷為以國氏。據齊公子商人弒其君舍氏公子當國也。與段同義日者從外赴辭以賊聞例

夏公及宋公遇于清

傳遇者何不期也。一君出一君要之也。古者有遇禮為朝天子近者為主遠者為賓稱先君以相接所以崇禮讓絕慢易也當春秋時出入無度禍亂姦宄多在不虞無故卒然相要小人將以生心故重而書之所以防禍原也言及者起公要之明非常遇也地者重錄之遇例時

宋公陳侯蔡人衛人伐鄭

秋翬帥師會宋公陳侯蔡人衛人伐鄭

傳翬者何公子翬也。以入桓稱公子何以不稱公子貶曷為貶據叔老

不貶與弒公也。弒者殺也臣弒君之辭以終隱之篇貶知與弒公也○與弒音預其與弒公奈

何公子翬諂乎隱公。諂猶佞也謂隱公曰百姓安子諸侯說子盍終

為君矣隱公曰否。否不也○說音悅吾使修塗裘吾將老焉。塗裘者邑名也將老

焉者將辟桓居之以自終也故南面之君勢不可復為臣故云爾不以成公意者隱本為桓守國國邑皆桓之有不當取以自

為也公子翬恐若其言聞乎桓於是謂桓曰吾為子口隱矣。口猶

相發也隱曰吾不反也桓曰然則奈何曰請作難。難兵難也○弒

隱公。謚者傳家所加於鍾巫之祭焉弒隱公也。鍾者地名也巫者事鬼神禱解以治病請福者

也男曰現女曰巫傳道此者以起淫祀之無福○現戶狄反

九月衛人殺州吁于濮

傳其稱人何。據晉殺大夫里克討賊之辭也。討者除也。明國中人人得討之。所以

廣忠孝之路。書者善之也。討賊例時此月者久之也。

冬十有二月衛人立晉

傳晉者何。公子晉也。以下有衛侯立者何。立者不宜立也。諸侯

言立此獨言立。其稱人何。據尹氏立。眾立之之辭也。晉得眾國

明不宜立之辭。然則孰立之。石碻立之。則其稱人何。據尹氏立王

之。然則孰立之。石碻立之。則其稱人何。子朝不稱人。○碻七。眾之所欲立也。眾雖欲立之。其立之非也。凡立君為眾略反。眾皆欲立之。

嫌得立無惡。故使稱人。見眾言立也。明下無廢上之義。聽眾立之。篡也不刺。嗣子失位者。時未當喪。典主得權重也。月者大國篡例。月小國時立。納入皆為篡。卒日葬。月達於春秋為大國例。主書從受位也。

春秋公羊傳卷二終

公羊傳

卷二隱公

九

公羊傳

公羊傳 卷三 九

春秋公羊傳卷三
五年春公觀魚于棠
隱公何以書譏何譏爾遠也公曷為遠而觀魚
漢諫議大夫司空掾任城何休學
明後學東吳金蟠訂

春秋公羊傳卷三

漢諫議大夫司空掾任城何休學

明後學東吳金蟠訂

隱公

五年春公觀魚于棠

○觀魚左氏作夫魚

傳何以書譏何譏爾遠也公曷為遠而觀魚據浚洙也○登來

之也登讀言得來得來之者齊人語也齊人名求得為得來百

金之魚公張之解言登來之意也百金猶百萬也古者以金重

公羊傳

卷三隱公

公羊傳

卷三 三

登來之者何。弟子未解其言大美大之之辭也。其言大而急者

辭也。實譏張魚而言觀譏遠者。恥公去南面之位。下與百姓爭利。匹夫無異。故諱使若以遠觀為譏也。諸諱主書者從實也。觀例時從行。賤略之。棠者何。濟上之邑也。濟者四瀆之別名。江河淮

夏四月葬衛桓公。

秋。衛師入盛。

○入盛音成。左氏作邲。

傳。易為。或言率師。或不言率師。將尊師衆。稱某率師。將尊者謂大夫也。師

衆者。滿二千五百人以上也。二千五百人稱師。無駭。率師入極是也。禮天子六師。方伯二師。諸侯一師。將尊師少。稱將。師少者不滿二千五百人也。衛孫良夫伐齊。答如是也。○答音羔。將卑師衆。稱師。將卑者謂士也。

衛師入。將卑師少。稱人。鄭人伐衛是也。君將不言率師。書其重者也。別

盛是也。之者。責元率。因錄功惡。有小大。救徐從。王伐鄭是也。○率所類。反本又作帥。

九月考仲子之宮。

傳。考宮者何。考猶入室也。始祭仲子也。考成也。成仲子之宮。廟而祭之。所以居其鬼神。

猶生人入宮室。必有飲食之事。不就惠公廟者。妾母卑。故雖為夫人。猶特廟而祭之。禮妾廟子死。則廢矣。不言立者。得變禮也。加之者。宮廟尊卑其名。非配號稱之辭。故加之以絕也。桓未君。則曷為祭仲子。據無子。不廟也。隱

為桓立。故為桓祭其母也。然則何言爾。成公意也。尊桓之母。為桓當立。得事之宜。故善而書之。所以起其意。成其賢也。

初獻六羽。

公三傳

卷三 隱公

二

承哀堂

傳初者何始也。六羽者何舞也。持羽而舞。初獻六羽何以書。譏何譏。

爾譏始僭諸公也。僭齊也。下。六羽之為僭奈何。天子八佾。佾者

八入為列。八八六十四。諸公六。六人為列。六六三。諸侯四。四人

入法八風。○佾音逸。四四十六。諸公者何。諸侯者何。天子三公稱公。王者之後稱公。

其餘大國稱侯。大國謂百里也。小國稱伯子男。小國謂伯七十里。天子三

公者何。天子之相也。相助也。○天子之相則何以三。據經但有

自陝而東者。周公主之。自陝而西者。召公主之。一相處乎內。陝

蓋今弘農陝縣是也。禮司馬主兵。司徒主教。司空主土。春秋撥

亂世以紕陟為本。故舉紕陟以所主者言之。○陝失再反。紕勅

律。始僭諸公。昉於此乎。前此矣。前此則曷為始乎此。僭諸公猶

反。始僭諸公。昉於此乎。前此矣。前此則曷為始乎此。僭諸公猶

可言也。僭天子不可言也。

傳云爾者解不訖始也。前僭八佾於

議本所當託者非但六也。故不得復傳上也。加初者以為常也。

獻者下奉上之辭。不言六佾者言佾則于無在其中。明婦人無

武事。獨奏文樂。羽者鴻羽也。所以象文德之風化疾也。夫樂本

起於和順。和順積於中。然後榮華發於外。是故八音者德之華

也。歌者德之言也。舞者德之容也。故聽其音可以知其德。察其

詩可以達其意。論其數可以正其容。薦之宗廟足以享鬼神。用

之朝廷足以序羣臣。立之學官足以協萬民。凡人之從上教也。

皆始於音。音正則行正。故聞宮聲則使人溫雅而廣大。聞商聲

則使人方正而好義。聞角聲則使人惻隱而好仁。聞徵聲則使

人整齊而好禮。聞羽聲則使人樂養而好施。所以感蕩血脉。通

流精神。存寧正性。故樂從中出。禮從外作也。禮樂接於身。整其

容而民不敢慢。觀其色而民不敢爭。故禮樂者君子之深教也。

舉樂諸侯不釋縣。大夫士日琴瑟。王者治定制禮。功成作樂。未

入之。是以古者天子諸侯雅樂鐘磬。未嘗離於庭。卿大夫御琴

瑟。未嘗離於前。所以養仁義而除淫辟也。魯詩傳曰。天子食日

舉樂。諸侯不釋縣。大夫士日琴瑟。王者治定制禮。功成作樂。未

入之。是以古者天子諸侯雅樂鐘磬。未嘗離於庭。卿大夫御琴

制作之時取先王之禮樂宜於今者用之堯曰大章舜曰蕭韶
夏曰大夏殷曰大護周曰大武各取其時民所樂者名之堯時
民樂其道章明也舜時民樂其修紀堯道也夏時民樂大其三
聖相承也殷時民樂大其護已也周時民樂其伐紂也蓋異號
而同意異歌而同歸失禮鬼神例日此不日者嫌獨考宮以非
禮書故從未言初可知○施式鼓反邪似嗟反淫辟匹亦反縣

邾婁人鄭人伐宋

邾婁小國序
上者主會也

螟

○螟亡
丁反

傳何以書記災也

災者有書於人物隨事而至者先是隱公
張百金之魚設苛令急法以禁民之所致

冬十有二月辛巳公子彊卒

日者隱公賢君宜有恩禮於大夫益師始見法無駭
有罪据俠又未命也故獨得於此日○彊苦候反

宋人伐鄭圍長葛

傳邑不言圍此其言圍何

据伐於餘丘不言圍疆也至邑雖圍當言伐惡
其疆而無義也必欲

為得邑故如其意言圍也所以不知鄭疆者
公以楚師伐宋圍緡不言疆也○疆渠差反

六年春鄭人來輸平

○左氏
作渝平

傳輸平者何輸平猶墮成也何言乎墮成

据鞏會諸侯伐鄭後
未道平也何道墮成

○墮許
規反

敗其成也

鞏伐鄭後已相與平
但外平不書故云爾

曰吾成敗矣

吾魯
吾與

鄭人未有成也。未無也。此傳發者解。鄭稱人為共國辭。吾與鄭人則曷為未有成

據無戰。狐壤之戰。隱公獲焉。時與鄭人戰於狐壤為鄭所獲。然則何以不言戰。

戰者內敗文也。據鞍諱獲也。君獲不言師敗績。故以輪平諱也。戰者內敗文也。據鞍諱獲也。與鞍戰。辟內敗文。是戰例。時偏戰。

日詐戰。月不日者。鄭詐之。不月者。正月也。見隱終無奉。正月之意。不地者。深諱也。使若實輸平。故不地也。稱人共國辭者。嫌來

輪平。獨惡鄭擅獲諸侯。魯不能死難。皆當絕之。○難乃且反。

夏五月辛酉公會齊侯盟于艾。

秋七月。

傳此無事何以書。春秋雖無事。首時過則書。首始也。時四時也。過歷也。春以正月。

為始。夏以四月為始。秋以七月為始。冬以十月為始。歷一時無事。則書其始月也。首時過則何以書。無

事也。春秋編年。四時具。然後為年。明王者當奉順四時之正也。尚敬授民時是也。有事不月者。人道正。則天道定矣。

冬宋人取長葛。

傳外取邑不書。此何以書。久也。古者師出不踰時。今宋更年取邑。久暴師苦眾居外。故書以疾

之不繫。鄭舉伐者。明因上伐圍取也。○更音庚。暴步卜反。

七年春王三月叔姬歸于紀。

叔姬者。伯姬之媵也。至是乃歸者。待年父母國也。婦人八歲備數。十五從嫡。二十承事君子。媵賤。書者。後為嫡。終有賢行。紀侯為齊所滅。紀季以鄆入於齊。叔姬歸之。能處隱約。全竟婦道。故重錄之。○鄆戶圭反。

滕侯卒。

公羊傳

卷三隱公

五

公羊傳

傳何以不名。據蔡侯考微國也。小國故略不名。微國則其稱侯何。據大國稱

侯小國稱伯子男不嫌也。子不嫌稱侯為大國。春秋貴賤不嫌同號。賤

不嫌者通同號稱也。若齊亦稱侯。滕亦稱侯。微者亦稱人。賤亦稱人。皆有起文貴賤不嫌同號是也。美惡不嫌同

辛。若繼體君亦稱即位。繼弒君亦稱即位。皆有起文美惡不嫌同辭是也。滕微國所傳聞之世未可卒。所以稱侯而卒者。春

秋王魯託隱公以為始受命王。滕子先朝隱公。春秋襲之以禮。嗣子得以其禮祭。故稱侯見其義。

夏城中丘。

傳中丘者何。內之邑也。城中丘何以書。上問中丘者何。指問邑也。故因言何以書。嫌但

問書中丘故復言以重書也。以功重故書也。當稍稍補完之。至城中丘何以書也。令大崩弛壞敗。然後發衆城之。猥

苦百姓空虛國家。故言城明其功重與。始作城無異城邑例時。令力呈反。

齊侯使其弟年來聘。

傳其稱弟何。據諸侯之子稱公子。母弟稱弟。母兄稱兄。母弟同母弟。母兄同母兄。不言同母

言母弟者。若謂不如為如矣。齊人語也。公別同母者。春秋變周之文。從殷之質。質家親親。明當親厚。異於羣公子也。聘者問也。

來聘書者。皆喜內見聘事也。古者諸侯朝罷朝聘為慕賢。孝禮一法度。尊天子。不言聘公者。禮聘受之於大廟。孝子謙不敢以

已當之。歸美於先君。且重賓也。別彼列反。大廟音泰。下同。

秋公伐邾婁。

冬天王使凡伯來聘。

書者喜之也。古者諸侯有較德。殊風異行。天子聘問之。當北面稱臣。受之於大廟。所以尊王命。歸美於先君。不敢以已當之。

戎伐凡伯于楚丘以歸。

傳凡伯者上言聘此言伐嫌其異故執不知問天子之大夫也此聘也其言伐

之何據出聘與郊柳異不得言伐也天子之大夫也此聘也其言伐之

何據執季孫隱尊天王命黃當死大之也位故使與國同曷為大之據王子突繫諸人

不與夷狄之執中國也因地不接京師故以中國正之中國者禮義制治有禮義故絕不言執正之言伐也執天子大夫而以

中國正之者執中國尚不可况執正之言伐也執天子大夫乎所以降夷狄

尊天子為順辭其地何據執季孫大之也順上伐文使若楚丘為國者

衛者天子大夫銜王命至尊願在所諸侯有出入所在赴其難

當與國君等也錄以歸者惡凡伯不死位以辱王命也○難乃旦反惡鳥路反

八年春宋公衛侯遇于垂

宋公序上者時衛侯要宋公使不虞者為主明當戒慎之無王者遇在其間置上則嫌為事出置下則嫌無天法可以制月文

不可施也

三月鄭伯使宛來歸郕

○郕彼命反又音丙鄭邑左氏作祊

傳死者何鄭之微者也郕者何鄭湯沐之邑也天子有事于泰

山諸侯皆從泰山之下諸侯皆有湯沐之邑焉有事者巡守祭

當沐浴潔齊以致其敬故謂之湯沐邑也所以尊待諸侯而共

其費也禮四井為邑邑方二里東方二州四百二十國凡為邑

廣四十里表四十二里取足舍止其橐穀而已歸郕書者甚惡鄭伯無尊事天子之心專以湯沐邑歸魯背叛當誅也錄使者重尊湯沐邑也王者所以必巡守者天下雖平自不親見猶恐遠方獨有不得其所故三年一使三公紬陟五年親自巡守巡

猶循也。守猶守也。循行守視之辭。亦不可國至人見為煩擾。故至四嶽。足以知四方之政而已。尚書曰。歲二月。東巡守。至于岱宗。柴望。秩于山川。遂覲東后。協時月。正日。同律度量衡。修五禮。五至。三帛。二生。一死。贊如五器。卒乃復。五月。南巡守。至于南嶽。如岱禮。八月。西巡守。至于西嶽。如初。十有一月。朔巡守。至于北嶽。如西禮。還至嵩。如初禮。歸格于禩。祖用特。是也。○守手。又反。本又作狩。齊側皆反。本多即作齋。字後放此。而其音恭。下同。袁音茂。禩乃禮反。本又作藝。

庚寅我入邴。

傳其言入何。據上書歸取邑。已難也。入者非已至之文。難辭也。故書入。欲為魯見重。其日何。不日。難也。以歸後乃日也。言時難辭。○難乃且反。

其言我何。據吳伐我。以言我者。非獨我也。自有他人。在其日乃。其言我何。日伐故言我。言我者。非獨我也。自有他人。在其能起其非獨我。齊亦欲之。以非獨我起齊惡。齊惡起。則魯蒙欲中。乃得言我。故齊亦欲之。以非獨我起齊惡。齊惡起。則魯蒙欲

邑見於惡愈矣。

夏六月。己亥。蔡侯考父卒。

辛亥。宿男卒。

宿本小國。不當卒。所以卒而日之者。春秋王魯。以隱公為始。受命王。宿男先與隱公交接。故卒襲之也。不名。不書葬者。與微者盟。功薄。當襲之為小國。故從小國例。

秋七月。庚午。宋公齊侯衛侯盟于瓦屋。

八月。葬蔡宣公。

傳卒何以名而葬不名卒從正。卒當赴告天子。君前臣名。而葬故從君臣之正義言也。

從主人。至葬者有常月。可知不赴告。卒何以日而葬不日。卒赴天子。故自從蔡臣子辭。稱公卒。何以日而葬不日。卒赴

赴天子也。緣天子閔傷欲其知之。又臣子疾痛不能不具以告。而葬不告。不告天子也。發傳於葬者從正也。

九月辛卯公及莒人盟于包來。

○包來左氏作浮來

傳公易為與微者盟。據與齊高侯盟諱之。稱人則從不疑也。從者隨從也。實莒子也。言莒子則嫌公行微不肖諸侯不肯隨從公盟而公反隨從之故。使稱人則隨從公不疑矣。隱為桓立狐壤之戰不能死難又受湯沐邑卒無廉耻令翬有緣諂為桓所疑故著其不肯僅能使微者隨從之耳。蓋痛錄隱所以失之又見獲受邑皆諱不明因與上相起也。○難乃且反令力呈反。

蟥先是。有狐壤之戰。中丘之役。又受邴田。煩擾之應。

先是。有狐壤之戰。中丘之役。又受邴田。煩擾之應。

冬十有二月無駭卒。

傳此展無駭也。何以不氏。莊公子疆卒。氏公子疾始滅也。故終其身不氏。

嫌上貶主起入為滅不為疾始。故復為疾始滅終身貶之。足見上貶為疾始滅。

九年春天王使南季來聘。

三年癸酉大雨震電。

傳何以書記異也。何異爾。不時也。震雷電者陽氣也。有聲名曰雷。無聲名曰電。周之三月夏之正月。雨當冰雪雜下。雷當聞於地中。其雉帷電未可見。而大雨震電。此陽氣大失其節。猶隱公久居位。不反於桓。失其宜也。日者一日之中也。凡災異一日者日。歷日者月。歷月者時。歷時者加自文為異。發於九年者。陽數可以極而不還。國於桓之所致。○雉古豆反。

之正月。雨當冰雪雜下。雷當聞於地中。其雉帷電未可見。而大雨震電。此陽氣大失其節。猶隱公久居位。不反於桓。失其宜也。日者一日之中也。凡災異一日者日。歷日者月。歷月者時。歷時者加自文為異。發於九年者。陽數可以極而不還。國於桓之所致。○雉古豆反。

庚辰大雨雪。

○雨于付反

傳何以書記異也何異爾傲甚也。

傲始怒也始怒甚猶大甚也蓋師說以為平地七尺雪者

盛陰之氣也八日之間先示隱公以不宜久居位而繼以盛陰之氣大怒此桓將怒而弑隱公之象○傲甚尺叔反大甚音泰

俠卒。

傳俠者何君大夫之未命者也。

以無氏而卒之也未命所以卒之者賞疑從重無氏者少略也

夏城郎。

秋七月。

冬公會齊侯于郕。

○于郕左氏作防

十年春王二月公會齊侯鄭伯于中丘。

月者隱前為鄭所獲今始與相見故危錄內明君子當犯而不投也

夏翬帥師會齊人鄭人伐宋。

傳此公子翬也何以不稱公子。據楚公子嬰齊貶曷為貶隱之

罪人也故終隱之篇貶也。嫌上一貶可移於他事者故終隱之篇貶之明為隱貶所以起隱之罪人也

六月壬戌公敗宋師于營辛未取郕辛巳取防。

○營古願反郕古報反

公三傳

卷三隱公

永懷堂

傳取邑不日此何以日○據取闕不日也一月而再取也○欲起一月而再

取故何言乎一月而再取○據取遼東田及沂西田亦一月再取兩邑不日○遼火號反又音郭甚

之也○甚魯因戰見移生事利內大惡諱此其言甚之何○春秋錄

內而略外於外大惡書小惡不書於內大惡諱小惡書○明取邑

一月再取小惡中甚者耳故書也於內大惡諱於外大惡書者明王者起當先自正內無大惡然後乃可治諸夏大惡因見臣

子之義當先為君父諱大惡也內小惡書外小惡不書者內有小惡適可治諸夏大惡未可治諸夏小惡明當先自正然後正

人小惡不諱者罪薄恥輕敗宋師日者見結日偏戰也

不言戰者託王於魯故不以敵辭言之所以彊王義也

秋宋人衛人入鄭

宋人蔡人衛人伐戴鄭伯伐取之

傳其言伐取之何○據國言滅邑言取又易也其易奈何因其力

也因誰之力因宋人蔡人衛人之力也○載屬為上三國所伐鄭

之易若取邑故言取欲起其易因上伐力故同其文言伐就

冬十月壬午齊人鄭人入盛

日者盛魯同姓於隱篇再見入者明當

十有一年春滕侯薛侯來朝

傳其言朝何○據內諸侯來曰朝大夫來曰聘○傳言來者解內外

無朝諸侯之義故內適外言如外適內言朝聘所以別外尊

內也不言朝公者禮朝受之於大廟與聘同義○別彼列反其

兼言之何○據鄆教來朝微國也○略小國也稱侯者春秋託隱公

故襄之已於儀父見法復出滕薛者儀父盟功淺滕薛朝功大宿與微者盟功尤小起行之當各有差也滕序上者春秋變周之文從殷之質質家親親先封同姓

夏五月公會鄭伯于祁黎

○祁黎左氏作時來

秋七月壬午公及齊侯鄭伯入許

日者危錄隱公也為弟守國不尚推讓數行不義皇天降災詔臣進謀終不覺悟又復構怨入許危亾之象外內並生故危錄之○數所角反

冬十有一月壬辰公薨

傳何以不書葬據桓公書葬隱之也何隱爾弒也為桓公所弒弒則何以

不書葬據桓公書葬春秋君弒賊不討不書葬以為無臣子也道春秋逆

例與文武異子沈子曰君弒臣不討賊非臣也不復讎非子也葬生

者之事也春秋君弒賊不討不書葬以為不繫乎臣子也子沈子後

師明說此意者明臣子不討賊當絕君喪無所繫也沈子稱子冠氏上者著其為師也不但言子曰者辟孔子也其不冠子者

他師也○冠氏古亂反公薨何以不地據莊公薨于路寢不忍言也不忍言其僵尸之處○僵

居良反隱何以無正月據六年輪平不易隱將讓乎桓故不有其正月也

嫌上諸成公意適可見始讓不能見終故復為終篇去正月明隱終無有國之心但桓疑而弒之公薨主書者為臣子恩痛之

他國自從王者恩例鈞也○去起呂反



春秋公羊傳卷四

漢諫議大夫司空掾任城何休學

明後學東吳葛蘊訂

桓公

元年春王正月公即位。

傳繼弒君不言即位此其言即位何。據莊公不如其意也。弒君

位故如其意以著其惡直而不顯諱而不盈桓本貴當立所以為篡者隱權立桓北面君事隱也。即者就也。先謁宗廟明繼祖也。還之朝正君臣之位也。事畢而反凶服焉。

三月公會鄭伯于垂。

公羊傳

卷四桓公

一

公羊傳

桓公會皆月者危之也桓弑賢君篡慈兄專易朝宿之邑無王而行無仁義之心與人交接則有危也故為臣子憂之不致之者為下去王適足以起無王未足以見無王罪之深淺故復奪臣子辭成誅文也

鄭伯以璧假許田

傳其言以璧假之何據實假不易之也易之則其言假之何為

恭也為恭孫之辭使若暫曷為為恭據取邑不有天子存則諸

侯不得專地也許田者何地皆不得專而此獨為恭魯朝宿之

邑也諸侯時朝乎天子天子之郊諸侯皆有朝宿之邑焉時朝者順

四時而朝也緣臣子之心莫不欲以朝莫文主者與諸侯別治勢不得自專朝故即位比年使大夫小聘三年使上卿大聘四年又使大夫小聘五年一朝王者亦貴得天下之歡心以事其先王因助祭以述其職故分四方諸侯為五部部有四輩輩主

一時孝經曰四海之內各以其職來助祭尚書曰羣后四朝敷奏以言明試以功車服以庸是也宿者先誠之辭古者天子邦畿千里遠郊五百里諸侯至遠郊不敢便入必先告至由如他國至竟而假途也皆所以防未然謹事上之敬也王者以諸侯遠來朝亦加殷勤之禮以接之為告至之須當有所任止故賜邑於遠郊其實天子地諸侯不得專也桓公無尊事天子之心專以朝宿之邑與鄭背叛當誅故深諱使若暫假借之者不舉假為重復舉上會者方諱言許田不舉人無以起從魯假之也○朝朝上如字下直遙反莫接暮此魯朝宿之邑也則曷為謂之許田諱取周田也諱取周田則曷為謂之許田繫之許也曷為繫之許近許也此邑也其稱田何田多邑少稱田邑多田少稱邑分別之者無分民明當察民多少課功德

夏四月丁未公及鄭伯盟于越

秋大水

傳何以書記災也。

災傷二穀以上書災也。經曰秋大水無麥苗。傳曰待無麥然後書無苗是也。先是桓篡隱而與怨氣并之所致。以上時掌反凡言以上皆放此。

冬十月

二年春王正月戊申宋督弒其君與夷及其大夫孔父。

賢者不名故孔父稱字督未命之大夫故國氏之。

傳及者何。

以公夫人言及仲子微不得及君上下。大夫言及知君尊亦不得及臣故問之。

累也。君而歿。

齊人語也。弒君多矣。舍此無累者乎。曰有。仇牧。苟息。皆累也。舍仇牧

苟息無累者乎。曰有。伯是也。有則此何以書。賢也。何賢乎。孔父。

据叔仲惠伯不賢。

孔父可謂義形於色矣。

以稱字見先君死。

其義形於色奈何。

督將弒殤公。孔父生而存。則殤公不可得而弒也。故於是先攻

孔父之家。大夫稱家父者字也。禮臣歿君字之。以君得字之。知先攻孔父之家。殤公知孔父歿已

必歿趨而救之。皆歿焉。趨走也。傳道此者明殤公知孔父賢而不能用。故致此禍。設使殤公不知孔父

賢焉。知孔父死已必歿。設使魯莊公不知季子賢焉。知以病召之。皆患安存之時則輕廢之。急然後思之。故常用不免。孔

父正色而立於朝。則人莫敢過而致難於其君者。孔父可謂義

形於色矣。內有其義而外形見於顏色。孔子曰君子正其衣冠尊其瞻視儼然人望而畏之是也。重道義形於色者

君子樂道人之善言及者使上及其君若附大國以名通明當封為附庸不絕其祀所以重社稷之臣也。督不氏者起馮當國不舉馮弒為重者繆公廢子而反國得正故為之諱也不得為讓者死乃反之非所以全其讓意也。難乃旦反。

公羊傳

卷四桓公

三

承襲堂

滕子來朝。

三月公會齊侯陳侯鄭伯于稷以成宋亂。

傳內大惡諱此其目言之何目見也斥見其惡言成未亂遠也所見異辭所

聞異辭所以復發傳者益師以臣見恩此以君見

厚故多微辭是也所聞之世恩王父少殺故立煬宮不日武宮

卒日是也○少隱亦遠矣曷為為隱諱魚諱隱賢而桓賤也公

馮與督共弑君而立諸侯會於稷欲其誅之受賂便還令宋亂

遂成桓公本亦弑隱而立君子疾同類相養小人同惡相長故

賤不為諱也古者諸侯五國為屬屬有長二屬為連連有帥三

卒正伯當征之不征則與同惡當春秋時天下散亂保伍壞敗

雖不誅不為成亂今責其成亂者疾其受賂也加以者辟直成

也亂

夏四月取郕大鼎于宋。

傳此取之宋其謂之郕鼎何據莒人伐杞取牟婁後莒牟器從

名從本主地從主人從後所器何以從名地何以從主人錯器

之與人非有卽爾卽就也若曰取彼器與此人異國物凡人取

不可分明故宋始以不義取之故謂之郕鼎宋始以不義取之

正其本名之郕鼎如以義應得當言取宋大鼎郕本所以有大鼎者周家

以世孝天瑞之鼎以助享祭諸侯有世孝者天子亦作鼎以賜

之禮祭天子九鼎諸侯七卿大夫五元士三也至于地之與人則不然凡取地皆就有

俄而可以為其有矣俄者謂須臾之間制得之頃也諸侯土地

滅國繼絕世反取邑不嫌不明故卒然則為取可以為其有乎
可使以為其有不復追錄繫本主
為取恣意辭也弟曰否何者將設若楚王之妻媚無時焉
子未解故云爾媚妹也引此為喻者明其終不可名有
可也也經不正者從可知省文也○媚音胃

戊申納于大廟

○大廟音泰下及注同

傳何以書譏何譏爾遂亂受賂納于大廟非禮也納者入辭也

所以必有廟者緣生時有宮室也孝子三年喪畢思念其親故為之立宗廟以鬼享之廟之為言貌也思想儀貌而事之故曰齊之日思其居處思其笑語思其志意思其所樂思其所嗜祭之日入室儼然必有見乎其位周旋出入肅然必有聞乎其容聲出戶而聽慨然必有聞乎其嘆息之聲孝子之至也質家右宗廟上親親文家右社稷尚尊尊○儼音愛又烏改反

秋七月紀侯來朝

稱侯者天子將娶於紀與之奉宗廟傳之無窮重莫大焉故封之百里月者明當尊而不臣所以廣孝敬蓋以為天子得娶庶人女以其得專封也

蔡侯鄭伯會于鄧

傳離不言會此其言會何據齊侯鄭伯于紀二國會曰離二人不能決事定是非立善惡議各是其所是非其所非所道不同不足采取故謂之離會蓋鄧與會爾時因鄧都得與鄧會自少從多也能決事定是非立善惡尚書曰三人議則從二人之言蓋取諸此○與會音預

九月入杞

公及戎盟于唐

公羊傳

卷四桓公

五

承衰堂

公羊傳 卷四
不日者戎怨隱不反國善
桓能自復翕然相親信

冬公至自唐

致者君子疾賢者失其所不肖者反以相親榮故與隱相違也
明前隱與戎盟雖不信猶可安也今桓與戎盟雖信猶可危也
所以深抑小人也凡致者
臣子喜其君父脫危而至

三年春正月公會齊侯于贏

無王者以見桓公無王而行也二年有王者見始也十年有王
者數之終也十八年有王者桓公之終也明終始有王桓公無
之爾不就元年見始者亦無王也二月非周之正月所以復
去之者明春秋之道亦通於三王非主假周以為漢制而已

夏齊侯衛侯晉命于蒲

傳晉命者何相命也晉相也時盟不歃何言乎相命據盟亦相命不道也

近正也以不言此其為近正奈何古者不盟結言而退善其近正似於

古而不相消故書以撥亂也

六月公會紀侯于盛

○盛音成

秋七月壬辰朔日有食之既

傳既者何盡也光明滅盡也是後楚滅鄧穀上僭稱王故尤甚也楚滅鄧穀不書者後治夷狄

公子翬如齊逆女

九月齊侯送姜氏于謹

傳何以書譏何譏爾諸侯越竟送女非禮也以言姜氏也禮送女父母不下堂姑

公羊傳 卷四 桓公 六 承衰堂

姊妹不出門此八國矣何以不稱夫人據謹自我言齊恕已以父母之於子雖為鄰國夫人猶曰吾姜氏所以崇父子之親從父母
魯辭冠
魯地

公會齊侯于謹夫人姜氏至自齊

傳 輦何以不致據遂以夫人婦得見乎公矣本所以致夫人者

輦當并致者輦親迎重在輦也上會謹時夫人以得見公得禮
失禮在公不復在輦故不復致不就謹止致者婦人危重故據
都城乃致也月者為
夫人至例危重之

冬齊侯使其弟年來聘

有年

傳 有年何以書方分別問大有年以喜書也大有年何以書亦

以喜書也此其曰有年何僅有年也僅有年也僅猶劣也謂五穀多彼其

曰大有年何問宣十大豐年也謂五穀皆僅有年亦足以當喜

乎恃有年也恃賴也若桓公之行諸侯所當誅百姓所當叛

五穀皆有使百姓安土樂業故喜而書之所以見
不肖之君為國尤危又明為國家者不可不有年

四年春正月公狩于郎

傳 狩者何田狩也田者蒐狩之摠名也古者肉食衣皮服捕禽

以田春曰苗苗毛也明當見秋曰蒐蒐簡擇也簡擇冬曰狩狩猶

獸也冬時禽獸長大遭獸可取不以夏田者春秋制也以為飛
鳥未去於巢走獸未離於穴恐傷害於幼穉故於苑囿中取之

常事不書此何以書譏何譏爾遠也以其地遠禮諸侯田狩不過郊諸侯曷為

必田狩據有一者第一之殺也自左膘射之達於右一曰乾豆調中心歿疾鮮潔故乾而豆之中薦於

宗廟豆祭器名狀如鐙天子二十有六諸公十有六諸侯十有

二卿上大夫八下大夫六士二○膘毗小反又扶了反調本又

作調魚俱反又五苟二曰賓客二者第二之殺也自左膘射之

反鐙都鄧反音登達於右脾遠心死難故以為賓

客三曰充君之庖充備也庖廚也三者第三之殺也自左膘射

庖廚已有三牲必田狩者孝子之意以為已之所養不如天地

自然之性逸豫肥美禽獸多則傷五穀因習兵事又不空設故

夏天王使宰渠伯糾來聘

傳宰渠伯糾者何天子之大夫也其稱宰渠伯糾何據劉卷卒

且下大夫也天子下大夫繫官氏名且字繫官者卑不得事官

則民益弟是以王者以父事三老兄事五更食之於辟離天子

親祖而割牲執醬而餽執爵而酌冕而摠干率民之至也先王

之所以治天下者有五貴有德為其近於道也貴臣為其近於

君也貴老為其近於父也敬長為其近於兄也慈幼為其近於

子弟也禮君於臣而不名者有五諸父兄不名經曰王札子是

也詩曰王謂叔父是也上大夫不名祭伯是也盛德之士不名

五年春正月甲戌巳丑陳侯鮑卒

傳曷為以二日卒之愆也愆者狂也齊人甲戌之日亡巳丑之

桓公

日來而得君子疑焉故以二日卒之也

君子謂孔子也以二日卒之者闕疑

夏齊侯鄭伯如紀

傳外相如不書此何以書

據蔡侯東國卒干楚不言如也

離不言會也

時紀不與會故

略言如也春秋始錄內小惡書內離會略外小惡不書外離會至所聞之世著治升平內諸夏而詳錄之乃書外離會嫌外離會常書故變文見意以別嫌明疑

天王使仍叔之子來聘

傳仍叔之子者何天子之大夫也其稱仍叔之子何

據宰渠氏官武氏子

不稱字又不加之尹氏不稱子譏何譏爾譏父老子代從政也

禮七十縣車致仕不言氏者起

父在也加之者起子辟一人○縣音玄

葬陳桓公

不月者責臣子也知君父有疾當營衛不謹而失之也傳曰葬生者之事

城祝丘

秋蔡人衛人陳人從王伐鄭

傳其言從王伐鄭何

據河陽舉王狩別出朝文不連王王師不道所加

從王正也

美其得王

義也故以從王征伐錄之蓋起時天子微弱諸侯背叛莫肯從王者征伐以善三國之君獨能尊天子歿節稱人者刺王者也天下之君海內之主當秉綱撮要而親自用兵故見其微弱僅能從微者不能從諸侯猶言稱人則從不疑也不使王者首兵者本不為王舉也知實諸侯者以美得正○不為于僞反下所為與為六年同

大雩

公三傳 卷四 九

傳大雩者何旱祭也雩旱請雨祭名不解大者祭言大雩大旱可知也君親之南郊以六事謝過自責曰

政不一與民失職與宮室榮與婦調盛與苞苴行與讒夫倡與使童男女各八人舞而呼雩故謂之雩不地者常地也**則**

何以不言旱用牲于社**言雩則旱見言旱則雩不見**從可知故

食獨不省文者與大水同禮若但言鼓用牲則不知其所為必見雩者善其能戒懼天災應變求雨憂民之急也**何以**

書記災也早者政教不施之應先是桓公無王行比為天子所聘得志益驕去國遠狩大城視丘故致此旱

蠲

○蠲音終

傳何以書記災也蠲者煩擾之所生與上旱同說

冬州公如曹

傳外相如不書此何以書記過我也為六年化我張本也傳不言者申其尊起其慢責無禮

○過古承反又古臥反

六年春正月寔來

傳寔來者何猶曰是人來也猶曰是人來不錄何等人之辭孰謂謂州公也

如曹**曷為謂之寔來慢之也曷為慢之**據蔡丘化我禮謂之

化齊人語也諸侯相過至竟必假塗入都必朝所以崇禮讓絕慢易戒不虞也今州公過魯都不朝魯是慢之為惡故書寔來見其義也月者危錄之無禮之人不可備責之

夏四月公會紀侯于成

秋八月壬午大閱

公三傳

卷四桓公

十一

大夏堂

傳大閱者何簡車徒也大簡閱兵車使何以書蓋以孳書也

也孔子曰以不教民戰是謂棄之故此年簡徒謂之蒐三年簡車謂之大閱五年大簡車徒謂之大蒐存不忘亡安不忘危不地者常地也蒐例時此日者桓既無文德又忽忘武備故尤危錄

蔡人殺陳佗

○佗大阿反

傳陳佗者何陳君也以躍卒不陳君則曷為謂之陳佗

言蔡絕也絕者國也書葬也**曷為絕之**據戕節子不絕○戕賤也其賤奈

何外淫也惡乎淫惡乎猶於何淫乎蔡蔡人殺之

從討賊辭也賤而去其爵者起其見卑賤猶律文立子姦母見乃得殺之也不月不書葬者從賤文○去起呂反

九月丁卯子同生

傳子同生者孰謂謂莊公也以夫人言何言乎子同生

子般不言生**喜有正也**喜國有正嗣**未有言喜有正者此其言喜有正何**

久無正也子公羊子曰其諸以病桓與其諸辭也本所以書莊

於無正故喜有正而不以世子正稱書者明欲以正見無正疾惡桓公日者喜錄之禮生與來日與與往日各取其所見日也禮世子生三日卜士負之寢門外以桑弧蓬矢射天地四方明當有天地四方之事三月君各之大夫負朝于廟以各徧告之

冬紀侯來朝

朝聘例時

春秋公羊傳卷四

春秋公羊傳卷五

漢諫議大夫司空掾任城何休學

明後學東吳金蟠訂

桓公

七年春二月己亥焚咸丘。

團焚之者何樵之也樵薪也以樵燒之故因樵之者何以火攻

也何言乎以火攻據戰伐不疾始以火攻也征伐之道不過用

服則可以進火之盛炎水之盛衝雖欲服罪不可復禁咸丘者

何邾婁之邑也曷為不繫乎邾婁據邾邾邾繫紀○邾步丁反

公羊傳

卷五 桓公

水襄堂

國之也。欲使如國故無所繫曷為國之。據邢部君存焉爾。所以起邾

婁君在威丘邑明臣子當赴其難與在國等也日者重錄以火攻也

夏穀伯綏來朝。鄧侯吾離來朝。

傳皆何以名。據滕薛不名也失地之君也。其稱侯朝何。據以賤也貴者無後

待之以初也。穀鄧本與魯同貴為諸侯今失爵匹士來朝託寄

民不偷無後者施於所奔國也獨妻得配夫託衣食於公家子孫當受田而耕故云爾下去二時者桓公以火攻人君故取明大惡不月者失地君朝惡人輕也各者見不世也

八年春正月己卯烝。

傳烝者何冬祭也。春曰祠。薦尚非卯祠猶食也猶繼嗣而食之故曰祠始生孝子思親繼嗣而食之故曰祠

因以別於生。○卯力管反。猶食音飼。下同。別彼列反。夏曰禘。薦尚麥魚始熟可禘故曰禘。○禘音予。若反。本又作禴。同。

秋曰嘗。薦尚黍稷嘗者先辭也。秋穀成。○嘗音予。若反。本又作禴。同。冬曰烝。薦尚稻雁。烝衆

物畢成。所薦衆多。芬芳備具。故曰烝。無牲而祭謂之薦。天子四

祭。四薦。諸侯三祭。三薦。大夫士再祭。再薦。祭於室。求之於幽。祭

於堂。求之於明。祭於祊。求之於遠。皆孝子博求之意也。大夫求

諸明士求諸幽。尊卑之差也。殷人先求諸明。周人先求諸幽。質

文之義也。禮天子諸侯卿大夫牛羊豕凡三牲。曰大牢。天子元

士諸侯之卿大夫羊豕凡二牲。曰少牢。諸侯之士特豕。天子之

牲。角擗。諸侯角尺。卿大夫索。○祊音庚。反。少詩照反。常事不書。此何以書。譏何譏。爾譏

亟也。亟數也。屬十二月己烝。今復烝也。不異烝祭各而言。烝亟

則黷。黷則不敬。君子之祭也。敬而不黷。則敬享。故將祭。宮

室既修。牆屋既繕。百物既備。序其禮樂。具其百官。散齊七日。致

齊三日。夫婦齊戒。沐浴盛服。君牽牲。夫人奠酒。君親獻。尸。夫人

衣裳。堂

薦豆卿大夫相君命婦相夫人洞洞乎屬屬乎如弗勝如將失之濟濟乎致其敬也愉愉乎盡其忠也勿勿乎其欲饗之也文王之祭事必如事王疏則怠怠則忘士不及茲四者則冬不裘生孝子之至也

夏不葛 禮本下為土制茲此也四者四時祭也疏數之節靡所折中是故君子合諸天道感四時物而思親也祭必於夏之五月者取其見新物之月也裘葛者御寒暑之美服士有公事不得及此四時祭者則不敢美其衣服蓋思念親之至也故孔子曰吾不與祭如不祭

天王使家父來聘

家采地父字也天子中大夫氏采故稱字不稱伯仲也

夏五月丁丑烝

傳何以書譏亟也 與上祀同為亟也

秋伐邾婁

冬十月雨雪

傳何以書記異也何異爾不時也 周之十月夏之八月未當雨雪此陰氣大盛兵象也是後

有郎師龍門之戰沔血尤深○沔古流字

祭公來遂逆王后于紀

傳祭公者何天子之三公也 天子置三公九卿二十七大夫八

子祭者采也天子三公氏采稱爵何以不稱使 據宰周婚禮不

稱主人 時王者遂者何生事也 生猶造也大夫無遂事此其言

遂何 據待君命然成使乎我也 使于我○使所更反其成使乎

我奈何使我為媒可則因用是往逆矣婚禮成於五先納采問各納吉納徵請期然後

親迎時王者遣祭公來使魯為媒可則因用魯往迎之不復成禮疾王者不重妃匹逆天于之母若逆婢妾將謂海內何哉故

譏之不言如紀者辟有外文女在其國稱女此其稱王后何王者無外其辭

成矣

九年春紀季姜歸于京師

傳其辭成矣則其稱紀季姜何自我言紀父母之於子雖為天

王后猶曰吾季姜明子尊不加於父母京師者何天子之居也以季姜言歸

者何大也師者何眾也天子之居必以眾大之辭言之地方千里周城

千雉宮室官府制度廣大四方各以其職來貢莫不備具所以必自有地者治自近始故據土與諸侯分職而聽其政焉即春

秋所謂內治其國也書季姜歸者明魯為媒當有送迎之禮

夏四月

秋七月

冬曹伯使其世子射姑來朝

傳諸侯來曰朝此世子也其言朝何据臣子一例當言聘○射音亦春秋有譏

父老子代從政者則未知其在齊與曹與在齊者世子光也時曹伯年老有疾使世

子行聘禮恐卑故使自代朝雖非禮有尊厚魯之心傳見下卒葬詳錄故序經意依違之也小國無大夫所以書者重惡世子

之不孝甚

十年春王正月庚申曹伯終生卒

公羊傳

卷五 桓公

四

天懷堂

夏五月葬曹桓公。

小國始卒當卒月葬時而卒日葬月者曹伯年老使世子來朝春秋敬老重恩故為魯恩錄之尤深

秋公會衛侯于桃丘弗遇。

傳會者何期辭也其言弗遇何公不見要也時實桓公欲要見衛侯衛侯不肯見公以非禮動見拒有耻故諱使若會而不相遇言弗遇者起公要之也弗者不之深也起公見拒深傳言公不見要者順經諱文

冬十有二月丙午齊侯衛侯鄭伯來戰于郎。

傳郎者何吾近邑也以言來也吾近邑則其言來戰于郎何據齊師宋師次

于郎不言來公敗宋師不言戰龍門之戰不舉地也近也惡乎近近乎圍也地而言來者明近都城幾

與圍無異不解戰者從下說可知○惡音烏此偏戰也何以不言師敗績據十三年師敗績偏

一面也結日定地各居內不言戰言戰乃敗矣春秋託王於魯戰者敵文也王

者兵不與諸侯敵戰乃其已敗之文故不復言師敗績魯不復出主名者兵近都城明舉國無大小當戮力拒之

十有一年春正月齊人衛人鄭人盟于惡曹。

月者桓公行惡諸侯所當誅屬上三國來戰于郎今復使微者盟故為魯懼危錄之

夏五月癸未鄭伯寤生卒。

秋七月葬鄭莊公。

莊公殺段所以書葬者段當國本當從討賊辭不得與殺大夫同例

九月宋人執鄭祭仲。

公三傳

卷五 桓公

五

公三傳

傳祭仲者何鄭相也不言大夫者欲見持國重何以不名賢也何賢乎祭仲

据身執君出以為知權也重君輕君子以存國除逐君之罪雖不能防其難罪不足而功有餘故得為賢也不引度量者取其平實以無私

其為知權奈何古者鄭國處于留先鄭伯有善于郕公者通乎夫人以取其國而遷鄭

焉遷鄭都於郕也而野畱野鄆也傳本上事者解宋所以得執祭仲因以為戒莊公歿已葬祭仲

將往省于畱塗出于宋宋人執之宋人宋謂之曰為我出忽而立突祭仲不從其言則君必歿國必亡

祭仲歿而忽旋為突所驅逐而出奔君而立非能為突將以為路動守歿不聽令自人見國無拒難者必乘使將滅鄭故深慮其大者也從其言則君可以生易歿國可以存易亡少

遼緩之宋當從突求路鄭守正不與則突外乖於宋內不行於臣下遼假緩之則突可故出而忽

可故反是不可得則病使突有賢才是計不可然後有鄭國已得行則已病逐君之罪然後有鄭國

病逐君之罪討出突然後能保有鄭國稱愈於國之亡古人之有權者祭仲之權是也古謂伊尹也湯孫太甲驕蹇亂德諸侯有叛志伊尹放之桐宮令自思過三年而復成湯之道前雖有逐君之負后有安天下之功猶祭仲逐君存鄭之權是也

舍歿亡無所設設施也舍置也如置死亡之事不得施行權有道自貶損以行權

不害人以行權已納突不害忽是也殺人以自生亡人以

自存君子不為也祭仲死則忽歿忽死則鄭亡生者乃所以生忽存鄭非苟殺忽以自生亡鄭以自存反覆道此者皆所以解上死亡不施於已宋不稱公者脅鄭之篡首惡當誅非伯執也祭仲不稱行人者時不衛君命出使但往省

雷耳執例時此月者為突歸鄭奪正鄭伯出奔

突歸于鄭

傳突何以名。拈忽復歸于鄭俱祭仲所擊乎祭仲也。擊猶提挈也。突當國

本常言鄭突欲明祭仲從宋人命提挈而納之故上繫於祭仲不繫國者使與外納同也時祭仲勢可殺突以除忽害而立之者忽內未能懷保其民外未能結款諸侯如殺之則宋軍強乘其弱滅鄭不可救故少遠緩之其言歸何。据小

入順祭仲也。順其計策與使行權故使無惡

鄭忽出奔衛

傳忽何以名。据宋子既春秋伯子男一也。辭無所貶。春秋改周

之質合伯子男為一。一辭無所貶皆從子夷狄進爵稱子是也忽稱子則與諸侯改伯從子辭同於成君無所貶損故名也

者緣君薨有降既葬名義也此非罪貶也君子不奪人之親故使不離子行也王者起所以必改質文者為承衰亂救人之失也天道本下親親而質省地道敬上尊尊而文煩故王者始起先本天道以治天下質而親親及其衰敝其失也親親而不尊故后王起法地道以治天下文而尊尊及其衰敝其失也尊尊而不親故復反之於質也質家爵三等者法大之有三光也文家爵五等者法地之有五行星也合三從子者制由中也

柔會宋公陳侯蔡叔盟于折

傳柔者何吾大夫之未命者也。以俠卒也輒發傳者無氏嫌貶也所以不卒柔者溪薄桓公不

與有恩禮於大夫也盟不日者未命大夫盟會用兵上不及大夫下重於土爵疑從輕故責之略蔡侯稱叔者不能防正其姑姊妹使淫於陳佗故貶在字例

公會宋公子于夫童

卷五 桓公 承襲堂

公羊傳

卷五

○夫童音扶下音鍾
又如字左氏作夫鍾

冬十有二月公會宋公于闕

○闕口
暫反

十有二年春正月

夏六月壬寅公會紀侯莒子盟于毆蛇

○毆蛇丘干反又音曲侯反
蛇音移又音池左氏作曲池

秋七月丁亥公會宋公燕人盟于穀丘

○燕
音咽

八月壬辰陳侯躍卒

不書葬者他子也他子不稱侯者嫌
貶在各例不當絕故復去躍葬也

公會宋公于邾

○邾音談
二傳作虛

冬十有一月公會宋公于龜

丙戌公會鄭伯盟于武父

○父
音甫

丙戌衛侯晉卒

不蒙上日者春秋獨晉書立記卒耳當蒙
上日與不嫌異於篡例故復出日明同

十有二月及鄭師伐宋丁未戰于宋

公羊傳

卷五桓公

八

承襲堂

傳戰不言伐此其言伐何辟嫌也惡乎嫌嫌與鄭人戰也
時宋主名
不出不言伐則嫌內微者與鄭人戰于宋地故舉
伐以明之宋不出主名者兵攻都城與鄭同義
此偏戰也何以不言師敗績內不言戰言戰乃敗矣

十有三年春二月公會紀侯鄭伯已巳及齊侯宋公衛侯燕人戰齊師宋師衛師燕師敗績

傳曷為後日
日○鞍音安
恃外也其恃外奈何得紀侯鄭伯

然後能為日也
得紀侯鄭伯之助然後乃能結戰日以勝君內子不遜人之功不蔽人之善故後日以明之

不言戰此其言戰何
營○營古頡反
從外也
從外諸侯相與戰例曷為從

外
據戰于宋不從外言敗績恃外故從外也
明當歸功于紀鄭
何以不地
在

下近也惡乎近近乎圍郎亦近矣郎何以地郎猶可以地也
離

近猶尚可言其處今親戰龍門兵攻城池尤危故恥之績功也非義不戰故以功言之不言功者取其績聚師衆有尊卑上下次第行伍必出萬死而不奔此故以自敗為文明當坐也燕戰稱人敗績稱師者重敗也戰少而敗多言及者明見伐者為主故得汲汲敗勝之
文○行戶郎反

三月葬衛宣公

背殯用兵而不危之者衛弱於齊宋不從亦有危故量力不責也○背殯音佩后背殯皆放此

夏大水

為龍門之戰死傷者衆民悲哀之所致

秋七月

冬十月

十有四年春正月公會鄭伯于曹

無冰

傳何以書記異也。周之正月夏之十一月法當堅冰無冰者溫也。此夫人淫泆陰而陽行之所致。○行下孟

夏五鄭伯使其弟語來盟

傳夏五者何無聞焉爾。來盟者聘而盟也。不言聘者舉重也。內盟例皆時時者從內為王義。明王者當以至信先天下。

秋八月壬申御廩災

傳御廩者何祭盛委之所藏也。

黍積曰祭。在器曰盛。委積也。御者謂御用于宗廟。廩者釋治穀。各禮天子親耕東田千畝。諸侯百畝。后夫人親西郊采桑。御廩以共粢盛。祭服躬行孝道以先天下。○積子賜反共音恭。御廩災何以書記災也。火自出燒之曰災。先是龍門之戰。死傷者衆。先祖鬼神不饗。故天應以災御廩。

乙亥嘗

傳常事不書此何以書。譏何譏爾。譏嘗也。

難曰四時之祭不可廢。則御廩災不如勿嘗而已矣。嘗廢一乎。無猶嘗乎。○難乃且反。嘗以奉天災也。知不以不時者書。本不當嘗也。

冬十有二月丁巳齊侯祿父卒

宋人以齊人衛人蔡人陳人伐鄭。

傳以者何行其意也。以已從人曰行言四國行宋意也宋前納突求賂突背恩伐宋故宋結四國伐之四

國本不起兵當分別之故加以也宋恃四國乃伐鄭四國當與宋同罪非為四國見輕重

十有五年春二月天王使冢父來求車。

傳何以書譏何譏爾王者無求求車非禮也。王者千里畿內租稅足以共費四方

各以其職來貢足以尊榮當以至廉無為率先天下不當求求則諸侯貪大夫鄙士庶盜竊求例時此月者桓行惡不能誅反從求之故獨月○共

賈音恭下芳味反

三月乙未天王崩。

桓王也

夏四月己巳葬齊僖公。

當時而日者背殯伐鄭危之

五月鄭伯突奔蔡。

傳突何以名。據衛侯出奔楚不名不連爵問之者并問上已各今復名故使文相顧**奪正也。**明祭仲得

出之故復於此名著其奪正不以失眾錄也月者大國奔例月重乖離之禍小國例時也

鄭世子忽復歸于鄭。

傳其稱世子何。據上出奔復正也欲言鄭忽則嫌其出奔還入不稱世子**復正也。**與當國同文反更成上鄭忽

為當國故一稱世子明復正以效祭仲之權亦所以解上非當國也**曷為或言歸或言復歸**

者出惡歸無惡復入者出無惡入有惡入者出入惡歸者出入

公三傳 卷三 二 示懷室

無惡 皆於還人乃別之者入國犯命禍重也忽未成君出奔不
不應絕出惡者不如死之榮也入無惡者出不應絕則還入
不應盜國○
別彼列反

許叔八于許

稱叔者春秋前失爵在字例也入者出
入惡明當誅也不書出時者略小國

公會齊侯于郕

○郕戶老反又火各反
左傳作艾穀梁作蒿

邾婁人率人葛人來朝

傳皆何以稱人 據言 夷狄之也 桓公行惡而三人俱朝事之
三人為眾眾足責故夷狄之

秋九月鄭伯突入于櫟

○櫟立
狄反

傳櫟者何鄭之邑為不言入于鄭 據齊陽生立陳末言爾者
末

淺也解不 言入國意 曷為末言爾 據俱 祭仲亡矣 亡死亡也祭仲亡則鄭
國易得故明入邑則忽

危矣不須乃入國也所 然則曷為不言忽之出奔 據上言 言忽
以故君必死國必亡矣

為君之微也祭仲存則存矣祭仲亡則亡矣 言忽微弱甚於鴻
毛僅若匹夫之出

耳故不復錄皆所以終祭仲
之言解不虛設危險之嫌

冬十有一月公會齊侯宋公衛侯陳侯于侈伐鄭

月者善諸侯征突善錄義兵也不舉伐為重者用兵重於會嫌
月為桓伐有危舉不為義兵錄故復錄會○侈昌氏反二傳作
亥

公三傳 卷三 桓公 三 示懷室

十有六年春正月公會宋公蔡侯衛侯于曹。

夏四月公會宋公衛侯陳侯蔡侯伐鄭。

秋七月公至自伐鄭。

致者善桓公能疾惡同類比與諸侯行義兵伐鄭致
則時此月者善其比與善行義故以致復加月也。

冬城向。

○向式
亮反

十有一月衛侯朔出奔齊。

傳衛侯朔何以名。據衛侯出奔楚不名。絕曷為絕之。奔也。得罪于天子也。

其得罪于天子奈何。見使守衛朔。朔十二月朔政事也。月而不

能使衛小眾。時天子使發小眾不能使行。越在岱陰齊。越猶走也。岱岱宗泰山也。山北曰陰。先言

岱陰後言齊者明名山大澤不以封諸侯以為天地自然之利非人力所能加故當與百姓共之傳著朔在岱陰者明天子當及是時未能交連屬負茲舍不即罪爾。屬託也。天子有疾稱不五國之兵早誅之。屬負茲舍不即罪爾。屬託也。天子有疾稱不犬馬士稱負薪舍止也。託疾止不就罪。

十有七年春正月丙辰公會齊侯紀侯盟于黃。

二月丙午公及邾婁儀父盟于越。

本失爵在各例中朝桓公稱人今此不名者蓋以為儀父最先與隱公盟明元功之臣有誅而無絕。○越翠癸反。

五月丙午及齊師戰于奚。

夏者陽也。月者陰也。去夏者明夫人不繫於公也。此戰蓋由桓公曰同非吾子云爾。○去起呂反下同。

六月丁丑蔡侯封人卒。

秋八月蔡季自陳歸于蔡。

稱字者蔡侯封人無子季次當立封人欲立獻舞而疾害季季辟之陳封人死歸反葬喪思慕三年卒無怨心故賢而字之出葬不書者方以起季葬喪歸故使若非出奔歸不稱弟者見季不受父兄之尊起宜為天子大夫天子大夫不得與諸侯親通故魯季子紀季皆去其氏唯卒以恩錄親季友叔胙卒是也。

癸巳葬蔡桓侯。

稱侯者亦奪臣子辭也有賢弟而不能任用反疾害之而立獻舞國幾并於蠻荆故賢季抑桓稱侯所以起其事。

及宋人衛人伐邾婁。

冬十月朔日有食之。

是後夫人譖公為齊侯所誘殺去日者著桓行惡故深為內懼其將見殺無日。

十有八年春王正月公會齊侯于樂。

○樂郎沃反又音洛

公夫人姜氏遂如齊。

傳公何以不言及夫人。據公及夫人會齊侯于陽穀。夫人外也。若言夫人已

也。夫人外者何。內辭也。內為公諱辭。其實夫人外公也。時夫人淫於

故云爾言遂者起夫人本與公出會齊侯于樂故得并言遂如齊不書夫人會書夫人遂者明遂在夫人齊侯誘公使遂如齊

以夫人譖公故

夏四月丙子公薨于齊。

公三傳

卷五 桓公

十四

水鏡堂

公羊傳 卷五
不書齊誘殺公者深諱耻也地者在外爲
大國所殺於國此危國重故不暇隱也

丁酉公之喪至自齊

凡公薨外致日者危痛之外多窮厄伐喪內多乘便而起不可
不戒慎加之者喪者死之通辭也本以別死生不以明貴賤非
配公之稱故
加之以絕

秋七月

冬十有二月己丑葬我君桓公



傳賊未討何以書葬

據隱公也 雖在外也 雖在外則何以書葬 據俱

君子辭也

於可復離而不復乃責之諱與齊狩是也桓者謚禮
生有爵死有謚所以勸善懲惡也禮諸侯薨天子謚之卿大夫
受謚於君唯天子稱天以誅之蓋以爲祖祭乃謚丁酉公之喪

至自齊丁巳葬我君定公兩不克葬戊午日下具乃克葬是也
以公配謚者終有臣子之辭上葬日者起生者之事也日明王
者當遣使者與諸侯共會之加
我君者錄內也猶君薨地也



春秋公羊傳卷五 終

桓公

文化甲戌

